

摘藻堂四庫全書薈要

集部

欽定四庫全書薈要卷一萬七千九百一

集部

御定全唐詩卷四百九十六

姚合

姚合陝州硤石人宰相崇曾孫登元和進士第授武功主簿調富平萬年尉寶厯中監察御史戶部員外郎出荆杭州刺史後為給事中陝虢觀察使開成末終秘書監與馬戴費冠卿殷堯藩張籍遊李頻師之合詩名重於時人稱姚武功云詩七卷

送狄尚書鎮太原

授鉞儒生貴傾朝赴餞筵
麾幢官在省禮樂將臨邊
代馬龍相雜汾河海暗連
遠戎移帳幕高鳥避旌旃
天下屯兵處皇威破虜年
防秋嫌壘近入塞必身先
中外思重疊科名歲接連
散材無所用老向瑣闈眠

送楊尚書祭西

一本無西字 嶽

報功嚴祀典寵詔下明庭
酒氣飄林嶺香烟入杳冥
樂清三奏備詞直百神聽
衣拂雲霞濕詩通水石靈
何因

逐騶騎暫得到巖扃

送李侍御過夏州

一作送李
廓侍郎

酬恩不顧名走馬覺身輕
迢遞河邊路蒼茫塞上城
沙寒無宿雁虜近少閑兵
飲罷揮鞭去旁人意氣生

送李起居赴池州

天子念疲民分憂輟侍臣
紅旗高起焰綠野靜無塵
闕下親知別江南惠化新
朝昏即千里且願話逡巡

送劉詹事赴壽州

慙慙莫遽起四坐悉同袍世上詩難得林中酒更高
隋隄傍楊柳楚驛在波濤別後書頻寄無辭費筆毫

送裴大夫赴亳州

杭人遮道路垂泣浙江前
譙國迎舟艦行歌汴水邊
周旋君量遠交代我才偏
寒日嚴旌戟晴風出管弦
一栝誠淡薄四坐願留連
異政承殊澤應為天下先

送徐州韋僮行軍

餞幕儼征軒行軍歸大藩
山程度函谷水驛到夷門
曉

日詩情遠春風酒色渾
逡巡何足貴所貴盡殘樽

送劉禹錫郎中赴蘇州

三十年來天下名銜恩
東守闔閭城初經咸

一作函

谷眠

山驛漸入梁園問水程
霽日滿江寒浪靜春風
遠郭白蘋生虎丘野寺
吳中少誰伴吟詩月裏
行

州城全是故吳宮香徑
難尋古蘚中雲水計程
千里遠軒車送別九衢
空鶴聲高下聽無盡潮
色朝昏望不同太守吟
詩人自理小齋閒臥白
蘋風

送賈謩赴共城營田

上國羞長選戎裝貴所從山田依法種兵食及時供水
氣詩書軟嵐烟筆硯濃幾時無事擾相見得從容

送裴宰君

見說為官處烟霞思不窮夜猿啼戶外瀑水落厨中名
藥人難識仙山路易通還應施靜一作施
清淨化誰復與君

同

送顧非熊下第歸越

失意尋歸路親知不復過家山去城遠日月在船多楚
塞數逢雁浙江長有波秋風別鄉老還聽鹿鳴歌

送雍陶遊蜀

春色三千里愁人意未開木梢穿棧出雨勢

一作氣

隔江

來荒館因花宿深山羨客迴相如何物在應只有琴臺
送崔約下第歸揚州

滿座詩人吟送酒離城此會亦應稀春風下第時稱屈
秋卷呈親自東歸日晚山花當馬落天陰水鳥傍船飛

江邊道路多苔蘚塵土無由得上衣

送李廓侍御赴西川行營

不道弓箭字罷官唯醉眠何人薦籌策走馬逐旌旄陣
變孤虛外功成語笑前從今雋州路無復有烽烟

送楊尚書赴東川

卻穀詩書將銜恩赴梓州遶身垂印綬護馬執戈矛
劔閣和銘峭巴江帶字流從來皆惜別此別復何愁

送邢郎中赴太原

上將得良策，恩威作長城。如今并州北，不見有胡兵。晉野雨初足，汾河波亦清。所從古無比，意氣送君行。

送裴中丞赴華州

我夢何曾應，看君渡澗川。自無仙掌分，非是聖心偏。去年

曾夢除華州刺史，故此叙述而已。徑草多生藥，庭花半落泉。人間有此

郡，況在鳳城邊。

送徐員外赴河中從事

赤府從軍美，儒衣結束輕。涼飈下山寺，曉浪滿關城。閒

坐饒詩景高眠長道情將軍不戰術計日立功名

送殷堯藩侍御赴同州

吟詩擲酒船仙掌白樓前從事關中貴主人天下賢此
生無了日終歲踏離筵何計因歸去深山恣意眠

送崔中丞赴鄭州

僕射陂前郡清高越四隣丹霄鳳詔下太守虎符新霧
濕關城月花香驛路塵連枝相庭樹歲歲一家春

送丁端公赴河陰

炎天木葉焦，曉夕絕涼飈。
念子獨歸縣，何人不在朝。
市連風浪動，帆徹海門遙。
飲盡樽中酒，同年同一作寂寥。

送鄭尚書赴興元

儒有登壇貴，何人得此功。
紅旗燒密雪，白馬踏長風。
斧來天上詩，書理漢中方。
知百勝畧，應不在彎弓。

送田使君赴蔡州

長年離別情，百盞酒須傾。
詩外應無思，人間半是行。
路遙嘶白馬，林斷出紅旌。
功業今應立，淮西有勁兵。

送無可上人遊邊

一鉢與三衣經行遠近隨
出家還養母持律復能詩
春雪離京厚晨鐘近塞遲
亦知蓮府客夜坐喜同師

送僧

人間擾擾唯閒事自見高人只有詩寂寞

一作舊住

嵩峯雲

外寺常多夢

一作聞定

裏過齋時

城中聽得新經論却過關東說
向人舊國門徒終日望見時
應是見真身

送宋慎言

童穉便知聞如今祇有君百篇詩盡和一盞酒須分驛
路多連水州城半在雲離情同落葉向晚更紛紛

送家兄赴任昭義

早得白着名之官濠上城別離浮世事迢遞長年情廣
陌垂花影遙林起雨聲出關春草長過汴夏雲生黯吏
先潛去疲人相次迎宴餘和酒拜魂夢共東行

送崔玄亮赴果州冬夜宴韓卿宅

蘭燭照重茵飛盃復幾分主人寒不寐上客曉離羣騎
吏緣青壁旌旗度白雲劔銘生蘚色巴字疊冰文華省
思僊侶疲民愛使君泠泠唯自適郡邸有誰聞

送喻鳧校書歸毘陵

主人庭葉黑詩稿更誰書闕下科名出鄉中賦籍除山
春烟樹衆江遠晚帆疎吾亦家吳者無因到弊廬

送董正字武歸常州覬親

路歧知不盡離別自無窮行客心方切主人罇未空楚

檣收月下江樹在潮中人各還家去還家慶不同

送蕭正字往蔡州賀裴相淮西平

相府旌旄重還邀上客行今朝郭門路初徹蔡州城從

馬唯

一作還

提酒防身不要兵從來皆作使君去是時平

送進士田卓入華山

何物隨身去六經與一琴辭家計已久入谷住

一作住
谷跡

應深偶坐僧同石間書葉滿林業成

一作
他年

須謁帝無貯

白雲心

送右司薛員外赴處州

懷中天子書腰下使君魚瀑布和雲落仙都與世疎遠
程兼水陸半歲在舟車相送難相別南風入夏初

送王建秘書往渭南莊

白鬚芸閣吏羸馬月中行莊僻難尋路官閒易出城看

山多失一作炊飯過寺故題名秋日田家作唯添集卷成

送殷堯藩侍御遊山南

詩境西南好一作勝一作來遠秋深一作聲晝夜蛩人家連水影

驛路在山峯谷

一作地
一作溪

靜雲生石天寒

一作晴

雪覆松我

為公府繫不得此相從

送李植侍御

聖代無邪觸空林
獬豸歸誰知隴山鳥長繞玉樓飛
風雨依山急雲泉入郭微
無同昔年別別後寄書稀

送王澹

常省為

一作居

官處門前數樹松
尋山屐費齒書石筆無

鋒果熟猿偷亂花繁
鳥語重今來為客去惜

一作借

取最

高峯

送崔之仁

一作別
劉得仁

欲出還成住前程甚謫遷
佯眠隨客醉愁坐似僧禪
舊國歸何處春山買欠錢
幾時無一事長在故人邊

送孫山人

山翁來帝里

一作人
言語質

不肯住

一作住
世恨

多時塵土衣裳重

腥羶僕隸飢

一作肥
一作

林中愁不到城外老應遲
喧寂一為

一作離別相逢未有期

送費驥

兄寒弟亦飢，力學少閒時。
何路免為客，無門賣得詩。
幾人攜酒送，獨我入山遲。
少小同居止，今朝始別離。

送河中楊少府宴崔駙馬宅

鳳凰樓下醉醺醺，晚出東門蟬漸聞。
不使鄉人治

一作修

驛路却將家累宿，
一作上山雲閒時採藥隨。
僧去每月請

錢共客分，縣吏若非三載滿。
自知無計更尋君。

送文著上人遊越

水石隨緣豈計程
東吳相遇別西京
夜禪月下袈裟濕
曉上山巔錫杖鳴
念我為官應易老
羨師依佛學無生
越中多有前朝寺
處處鐵一作金鐘石磬聲

送無可上人遊越

一作送無可住越州

清晨相訪立門前
麻履方袍一少年
嬾讀經文求作佛
願攻詩句覓昇一作成仙
芳春山影花連寺
獨夜潮聲月滿船
今日送行偏惜別
共師文字有因緣

送洛陽張員外

餞客未歸城東來騶騎迎千山嵩嶽峭百縣洛陽清朔
雁和雲度川風吹雨

一作雪

晴蘚庭公事暇

一作少

應祇獨

吟行

送少府田中丞入西蕃

蕭關路絕久石堠亦為塵護塞空兵帳和戎在使臣風
沙去國遠雨雪換衣頻若問涼州事涼州多漢人

送王龜處士

送客客為誰朱門處士稀唯修曾子行不著老萊衣古

寺隨僧飯空林共鳥歸壺中駐年藥燒得獻庭闈

送崔郎中赴常州

貴是鵠原在紫微榮逢知己領黃扉人間盛事今全得
江上政聲復欲歸風起滿城山果落雨餘穿宅水禽飛
昔年嘗作毘陵客石峭泉清天下稀

送林使君赴邵州

詔書飛下五雲間才子分符不等閒驛路算程多是水
州圖管地少於山江頭斑竹尋應遍洞裏丹砂自採還

清淨化人人自理終朝無事更相關

送別友人

一作別友
人山居

獨一作
偶

向山中覓紫芝山人勾引住多時
摘花浸酒春

愁盡燒竹煎茶夜臥遲
泉落林梢多碎滴
松生石底足

旁枝明朝却欲歸
城市問我來期總

一作
自

不知

送李琮歸靈州覲省

餞席離人起貪程
醉不眠風沙移道路
僕馬識山川塞
樹花開小關城
雪下偏胡塵
今已盡應便促朝天

送任畹評事赴沂海

擲筆不作尉戎衣從嫖姚嚴冬入都門僕馬氣益豪沂
州右鎮雄士勇旌旗高洛東無憂虞半夜開虎牢大夫
貴功勳不貴爵祿饒仰眠作書生衣食何由銷任生非
常才臨事膽不搖必當展長畫逆波斬鯨鼉九陌塵土
黑話別立遠郊孟堅勒燕然豈獨在漢朝

送李餘及第歸蜀

蜀山高峩嶷蜀客無平才日飲錦江水文章盈其懷十

年作貢賓九年多遄迴春來登高科升天得梯階手持
冬集書還家獻庭幃人生此為榮得如君者稀李白蜀
道難羞為無成歸子今稱意行所歷安覺危與子久相
從今朝忽乖離風飄海中船會合難自期長安米價高
伊我常渴飢臨歧歌送子無聲但陳詞義交外不親利
交內相違勉子慎其道急若食與衣苦熱一作熱道路赤

一作跡

行人念前馳一杯不可輕遠別方自茲

送饒州張使君

鄱陽勝事聞難比千里連連是稻畦山寺去時通水路
郡圖開處是詩題化行應免農人困庭靜惟多野鶴棲
飲罷春明門外別蕭條驛路夕陽低

送張宗原

東門送客道春色如死灰一客失意行十客顏色低住
者既無家去者又非歸窮愁一成疾百藥不可治

一作能

子賢我且愚命分不合齊誰開蹇躓門日日同遊棲子
行何所之切切食與衣誰能買仁義令子無寒飢野田

不生

一作草

草四向生路歧士人甚商賈終日須東西鴻

雁春北去秋風復南飛勉君向前路無失相見期

送王求

士有經世籌自無活身策求食道路間勞困甚徒役我
身與子同日被飢寒迫側望鄉相門難入堅如石為農
昧耕耘作商迷貿易空把書卷行投人

一作入

買罪責六

月南風多苦旱土色赤坐家心尚焦况乃遠作客羸馬
出郭門餞飲曉連夕願君似醉腸莫謾生憂戚

送朱慶餘及第後歸越

勸君緩上車鄉里有吾廬未得同歸去空令相見踈山
晴棲鶴起天曉落潮初此慶將誰比獻親冬集書

送朱慶餘越州歸覲

鄉書落姓名太守拜親榮訪我波濤郡還家霧雨城海
山窗外近鏡水世間清何計隨君去鄰壻過此生

送任尊師歸蜀覲親

白雲修道者歸去春風前玉簡通仙籍金丹駐母年錦

文江一色酒氣雨相連
衆說君平死真師易義全

送友人遊蜀

送君一壺酒相別野庭邊
馬上過秋色舟中到錦川
峽猿啼夜雨蜀鳥噪晨烟
莫便不迴首風光促幾年

送杜立歸蜀

迢遞三千里西南是去程
杜陵家已盡蜀國客重行
雪照巴江色風吹棧閣聲
馬嘶山稍煖人語店初明
旅夢心多感孤吟氣一作
不平誰為李白後為訪錦官城

送韓湘赴江西從事

年少登科客從軍詔命新行裝有兵器祖席盡詩人細
雨湘城暮微風楚水春潯陽應足雁夢澤豈無麈猿叫
來山頂潮痕在樹身從容多暇日佳句寄須頻

送潘傳秀才歸宣州

李白墳三尺嵯峨萬古名因君還故里為我弔先生晴
日移虹影空山出

一作聚

鶴聲老郎閒未得無計此中行

送僧默然

出家侍母前至孝自通禪
伏日江頭別秋風
檣下眠鳥聲猿更促
石色樹相連
此路多如此
師行亦有緣

送陟遐

一作霞

上人遊天台

萬疊赤城路終年遊客稀
朝來送師去自覺有家非
石淨山光遠雲深海色微
此詩成亦鄙為我寫巖扉

送盛秀才赴舉

重重吳越浙江潮
刺史何門始得消
五字州人唯有此
一作誰
四鄰風景合相饒
橘村籬落香潛度
竹寺虛空

翠自飄君去九衢須說我病成疎嬾嬾趨朝

送僧貞實歸杭州天竺

石橋寺裏最清涼聞說茅庵寄上方林外猿聲連院

一作

曉

磬月中潮色到禪牀他生念我身何在此世唯師性

亦忘九陌相逢千里別青山重疊樹蒼蒼

送盧二弟茂才罷舉遊洛謁新

一作相

踏碎作賦筆驅車出上京離筵俯岐路四坐半公卿守
命貧難擲憂身夢數驚今朝赴知己休詠苦辛行

送任畹及第歸蜀中覲親

子規啼欲死君聽固

一作故

無愁闕下聲名出鄉中意氣

遊東川橫劔閣南斗近刀州神聖

一作到處

題前字千人看

不休

送杜觀罷舉東遊

秋風離九陌心事豈云安曾是求名苦當知此去難辛
勤程自遠寂寞夜多寒詩句無人識應須把劔者

送狄兼謩下第歸故山

慈恩塔上名昨日敗垂成賃舍應無直居山豈釣聲半

年猶小隱數日得閒行映竹窺猿劇尋

一作循

雲探

一作採

鶴情

一作清

愛花高酒戶煮藥汙茶鐙莫便多時住烟霄

路在城

送源中丞赴新羅

赤墀賜

一作名

對使殊方官重霜臺紫綬光玉節在船清

海怪金函開詔拜夷王雲晴漸覺山川異風便那

一作

寧

知道路長誰得似君將雨露海東萬里灑扶桑

送陳侗

一作稠
一作彤

赴江陵從事

荊州勝事衆皆聞
幕下今朝又得君
才子何須藉

一作中

科第男兒終久要
功勳江村竹樹多
於草山路塵埃半
是雲新什定知
饒景思不應一向
賦從軍

送張郎中副使赴澤潞

曉陌事戎裝
風流粉署郎
機籌

一作權

通變化
除拜出尋

常地冷饒霜
氣山高礙雁
行應無離別恨
車馬自生光

送陸暢侍御歸揚州

故園偏接近雲水洞庭邊歸去知何日相逢各長年山
川南北路風雪別離天楚色窮冬燒淮聲獨夜船從軍
丞相府談笑酒杯前

送韋瑤校書赴越

寄家臨禹穴乘傳出秦關霜落橘滿地潮來帆近山相
門賓益貴水國事多閒晨省高堂後餘歡杯酒間

送雍陶及第歸覲

獻親冬集書比橘復何如此去關山遠相思笑語踈路

尋丹壑斷人近白雲居幽石題名處憑君亦記余

送李秀才赴舉

羅剎樓頭醉送君西入京秦吳無限地山水半分程海上烟霞濕關中日月明登科舊鄉里常為改嘉名

送李傅秀才歸宣州

謝守青山宅山孤宅亦平池塘無復見春草野中生常日登樓望今朝送客行慙慙拂石壁為我一書名

送元緒上人遊商山

萬法空門裏師修歷幾生過來心已悟未到行彌精溪
寂鐘還度林昏錫獨鳴朝簪抽未得此別豈忘情

送僧棲真歸杭州天竺寺

吏事日紛然無因到佛前勞師相借問知我亦通禪古
寺杉松出殘陽鐘磬連草菴盤石上歸此是因緣

送敬法師歸福州

結得隨緣伴蟬鳴方出關新經譯舊寺故國興誰還齋
為無鐘早心因罷講間東南數千里何處不逢山

送清敬閣黎歸浙西

大地無生理吳中豈是歸
自翻貝葉偈人施福田衣
夏盡灘聲出潮來日色微
郡齋師去後寂寞夜吟稀

送賈島及鐘渾

日日攻詩亦自彊
年年供應在名場
春風驛路歸何處
紫閣山邊是草堂

送僧遊邊

一作送
無可

師向邊頭去邊人業障輕
腥羶齋自潔部落講還成
傳

教多離寺隨緣不計程三千世界內何處是無生

送澄江上人赴興元鄭尚書招

師經非紙上師佛在心中覺路何曾異行人自不同水

雲晴亦雨山木

一作舍

夜多風聞結西方社尚書待遠公

送馬戴下第客遊

昨來送君處亦是九衢中此日慙慙別前時寂寞同鳥

啼寒食雨花落暮春風向晚離人起

一作別

筵收罇未空

送薛二十三郎中赴婺州

我住浙江西君去浙江東日日心來往不畏浙江風

送獨孤煥評事赴豐州

東門攜酒送廷評結束從軍塞上行深磧路移唯馬覺
斷蓬風起與鷗平烟生遠戍侵雲色冰疊黃河長雪聲
須鑿燕然山上石登科記裏是閒名

送張齊物主簿赴內鄉

一作送張
主簿赴山

幾年山下事仙翁名在長生錄籍中燒得藥成須寄我
曾為主簿與君同

送王嗣之典儀城

日日思

一作困

朝位偷閒城外行
唯求採藥者

一作法

不道

在官名

一作行

好異嫌山淺
尋幽喜逕生
病來文字拙不

休一作

要把歸城

別賈島

嬾作住山人
貧

一作官

家日

一作月

賃身書多筆
漸重睡少

枕長新野客
狂無過詩仙
瘦始真秋風
千里去誰與我

相親

別李餘

病童隨瘦馬難算往來程
野寺僧相送河橋酒滯行
足愁無道性久客會人情
何計羈窮盡同居不出城

別胡逸

記得春闈同席試
逡巡何啻十年餘
今日相逢又相送
予乘五馬子單車

惜別

酒闌歌罷更遲留
攜手思量凭翠樓
桃李容華猶數月

風流才器亦悲秋。光陰不覺朝昏過。歧路無窮早晚休。
似把剪刀裁別恨。兩人分得一般愁。

欲別

山川重疊遠茫茫。欲別先憂別恨長。紅芍藥花雖共醉。
綠蘿蕪影又分將。鴛鴦有路高低去。鴻雁南飛一兩行。
惆悵與君烟景迴。

一作隔

不知何日到瀟湘

別杭州

醉與江濤別。江濤惜我遊。他年婚嫁了。終老此江頭。

御定全唐詩卷四百九十六

欽定四庫全書蒼要卷一萬七千九百二

集部

御定全唐詩卷四百九十七

姚合

寄賈島

漫

一作雖

向城中住兒童不識錢甕頭寒絕酒竈額曉

一作

冷無煙狂發吟如哭愁來坐似禪新詩有幾首旋被世

一作衆人傳

寄王度居士

顛顛王居士顛狂不稱時天公與貧病時輩復輕欺茅
屋隨年借一作賃盤飧逐日移棄嫌官似夢珍重酒如師
無竹栽蘆看思山疊石為靜窗留客話古寺覓僧碁瘦
馬寒來死羸童餓得癡唯應尋阮籍心事遠相知

寄楊茂卿校書

去年別君時同宿黎陽城黃河凍欲合船入冰罅行君
為使滑州我來西入京丈夫不泣別旁人歎無情到京
就省試落籍先有名慙辱鄉薦書忽欲自受刑

一本無此二句

還家豈無路羞為路人輕決心住城中百敗望一成腐
草衆所棄猶能化為螢豈我愚暗身終久不發明所悲
道路長親愛難合并還如舟與車奔走各異程耳目甚
短狹背面若聾盲

一本無此四句

安得學白日遠見君儀形

寄杜師義

出處難相見同城似異鄉點兵尋戶籍燒藥試仙方事
校千般別心還一種忙黃金如化得相寄

一作分減

亦何妨

寄陸渾縣尉李景先

微俸還

一作應

同請唯君獨自閒地偏無驛路藥賤管仙

山月色生松裏泉聲在石間吟詩復飲酒何事更相關

寄酬盧侍御

詩新得意恣狂踈揮手終朝力有餘今到詩家渾手戰
欲題名字倩人書

寄主客張郎中

年長方慕道金丹事參差故園歸未得秋風思難持蹇
拙公府棄朴靜高人知以我齊杖屨昏旭詎相離吟詩

紅葉寺對酒黃菊籬所賞未及畢後遊良有期粲粲華
省步屑屑旅客姿未同山中去固當殊路歧

寄鄆縣尉李廓少府

歲滿休為吏吟詩著白衣愛山閒臥久在世此心稀聽
鶴向風立捕魚乘月歸比君才不及謬得侍彤闈

寄紫閣隱者

自聞樵客說無計得相尋幾世傳高臥全家在一林養

情

一作生

書覽苦

一作最古

採藥路多

一作游

深願得為鄰里

一作

異誰能說此心

寄國子楊巨源

一作敬之祭酒

日日新詩出城中寫不禁清高疑

一作宜

對竹閒雅勝聞

一作聲

琴門戶饒秋景兒童解冷吟雲山今

一作余

作主還

借外人尋

寄永樂長官殷堯藩

故人為吏隱高臥簿書閒
遶院唯栽藥逢僧只說山
此宵歡不接窮歲信空還
何計相尋去嚴風雪滿關

冬夜書事寄兩省閣老

天寒漸覺雁聲疎
新月微微玉漏初
海嶠只宜今日去
故鄉已過十年餘
髮稀豈易勝玄冕
眼暗應難寫諫書
閣下羣公盡高思
誰能攜酒訪貧居

寄靈一律師

梵書鈔律千餘紙
淨院焚香獨受持
童子病來烟火絕
清泉漱口過齋時

郡中書事寄默然上人

郡中饒野興過客亦淹留看月江樓曉尋山石徑秋意

一作竟

歸何處老誰免此生愁長愛東林子安禪百事休

寄張篔

幽處尋書坐朝朝閉竹扉山僧封茗寄野客乞詩歸秋
卷多唯好時名屈更肥明年取前字杯酒賽春輝

寄李頔

閉門常不出

一作性疎
常似病

唯覺長庭莎朋友來看少詩書

臥讀多命隨才共薄愁與醉

一作酒

相和珍重君名字新

登甲乙科

寄李羣玉

九衢名與利無計擾

一作擾是

閒人道遠期輕

一作輕欺

世才高

貴重身石脂稀勝乳玉粉細於塵骨換肌膚膩心靈

一作

虛氣色真嵩山高到日浴水煖如春居住應安穩

一作隱

黃

金幾竈新

病中書事寄友人

終日自纏繞此身無適緣萬愁生雨夜百病湊衰年多

睡憎明屋慵行待暖天
瘡頭梳有蝨風耳亂無蟬換白

方多錯迴金法不全家貧何所怨將

一作時

在老僧邊

九日寄錢可復

數盃黃菊酒千里白雲天

一作仙

上國名

一作威

方振戎州

病未痊

一作綺陌人消得鄰州客謾顛

靜愁惟憶醉閒走

一作悶

不勝眠

惆悵

一作應念

東門別相逢知幾年

春日早朝寄劉起居

九衢寒霧歛雙闕曙光分
綵仗迎春日香烟接瑞雲珮

聲清漏間天語侍臣聞莫笑馮唐老還來謁聖君

秋日寄李支使

秋思朝來起侵人暑稍微曉眠離北戶午飯尚生衣山
靜雲初白枝高果漸稀聞君家海上莫與燕同歸

寄汴州令狐楚相公

汴水從今不復渾秋風鞞鼓動城根梁園臺館關東少
相府旌旗天下尊詩好四方誰敢和政成三郡自無冤
幾時詔下歸丹闕還領千官入閣門

寄東都分司白賓客

一作居易

闕下高眠過十旬
南宮印綬乞離身
詩中得意應千首
海內嫌官只一人
賓客分司真是隱
山泉遶宅豈辭貧
竹齋晚起多無事
唯到龍門寺裏頻

寄裴起居

千官曉立鑪烟裏
立近丹墀是起居
彩筆專書皇帝語
書成幾卷太平書

寄狄

一作耿

拾遺時為魏州從事

少在兵馬間長還繫戎職雞飛不得遠豈要生羽翼三
年城中遊與君最相識應知我中腸不苟念衣食主人
樹勲名欲滅天下賊愚雖乏智謀願陳一夫力人生須
氣健飢凍縛不得睡當一席寬覺乃千里窄古人不懼
死所懼死一作徒死亦無益至交不可合一合難離圻君嘗
相勸勉苦語毒胸臆百年相知同誰限河南北

金州書事寄山中舊友

安康雖好郡刺史是慙翁買酒終朝飲吟詩一室空自

知為政拙衆亦覺心公親事星河在憂人骨肉同簿書

嵐色裡鼓角水聲中井邑神州接帆檣海路通野亭晴

帶霧竹寺夏多風漑稻長洲

一作川

白燒林遠岫紅舊山

期已失

一作度

芳草思何窮林下無相笑男兒五馬雄

寄紫閣無名頭陀

自新羅來

峭行得如如誰分聖與愚不眠知夢妄無號免人呼山
海禪皆遍華夷佛豈殊何因接師話清淨在斯須

寄郁上人

此生修道淺愁見未來身誰為傳真諦唯應是上人自
悲年已長漸覺事難親不向禪門去他門無了因

寄孫路秀才

幽居鄰里少江際復山阿潮去

一作下

蟬聲出天晴鶴語

多老人能步蹇才子奈貧何曾見春官語年來虛甲科
寄安陸友人

別路在春色故人雲夢中鳥啼三月雨蝶舞百花風烟

東

一作淨

遠山碧霞歛落照紅想君登此興回首念飄蓬

寄馬戴

天府鹿鳴客幽山秋未歸
我知方甚愛衆說似為非
隔屋聞泉細和雲見鶴微
新詩此處得清峭比應稀

寄賈島時任普州司倉

長沙事可悲普掾罪誰知
千載人空盡

一作老

一家冤不

移吟寒應齒落才峭自名垂
地遠山重疊難傳相憶詞

寄楊工部聞毘陵舍弟自菴溪入茶山

採茶溪路好花影半浮沉
畫舸僧同上春山客共尋芳

新生石際幽嫩在山陰色是春光染香驚日氣侵試嘗
應酒醒封進定恩深芳貽一作千里外怡怡太府吟

寄陝州王司馬

家寄秦城非本心偶然頭上有朝簪自當臺直無因醉
一別詩宗更嬾吟世事每將愁見擾年光唯與老相侵
欲知居處堪長久須向山中學者金

寄賈島

寂寞荒原下南山祇隔離家貧唯我並詩好復誰知草

色無窮處蟲聲少盡

一作歌

時朝昏鼓不到閒臥益相宜

寄崔之仁山人

百門坡上住石屋

一作室

兩三間日月難教老妻兒乞與

閒仙經

一作方

揀客問

一作示

藥

一作酒

債煮金還何計能相

訪

一作引

終身得在山

寄嵩嶽程光範

相別何容易相逢便歲年客來嫌路遠誰得到君邊岳
色鳥啼裏鐘聲竹影前只應訪支遁時得話詩篇

洛下夜會寄賈島

洛下攻詩客相逢祇是吟
夜觴歡稍靜寒屋坐多深
烏府偶為吏滄江長在心
憶君難就寢燭滅復星沉

寄華州李中丞

毛女峯前郡烟霞氣轉清
庭分靈掌影窗度瀑泉聲
蘚逕人稀到松齋藥自生
常食亦芝朮間客是一作公卿

看水逢仙鶴登樓見帝城
養生非酒病難隱是詩名
省署嘗連步江臯欲獨耕
偶題無六義聊以達微誠

病中辱諫議惠甘菊藥苗因以詩贈

蕭蕭一畝宮種菊十餘叢採摘和芳露封題寄病翁熟
宜茶鼎裏冷稱石甌中香潔將何比從來味不同

舟行書事寄杭州崔員外

張願任酒澆開眼信花燒舊國歸何滯新知別又遙夜
行篙觸石晚泊纜依橋若未重相見無門解寂寥

寄元緒上人

石窗紫蘚牆此世此清涼研露題詩潔消冰煮茗香閒

雲春影薄孤磬夜聲長何計休為吏從師老草堂

寄白閣默然

白閣峯頭雪城中望亦寒高僧多默坐清夜到明看世上無諸苦林間只一飡嘗聞南北教所得比師難

夏日書事

一本無事字

寄丘元

一作元

處士

暑天難可度豈復更持觴樹裏鳴蟬咽宮中午漏長病天心益躁靜者室應涼幾欲相尋去紅塵滿路旁

秋中寄崔道士

貧居雀喧噪况乃靜巷陌
夜眠睡不成空庭聞露滴
旁有一杯酒歡然如對客
月光久逾明照得筆墨白
平生志舒豁難可似茲夕
四肢得自便雖勞不為役
故人山中住善治活身一作身心
策五穀口不嘗比僧更閒
寂我今暫得安自謂脫幽
戚君身長道遙日月爭老
得

寄華州崔中丞

蓮華峰下郡仙洞亦難勝
閭里蒼苔水虛空瀑布冰
酒香和藥熟山峭過雲登
清淨黎人泰唯憂急詔徵

秋日書事寄祕書竇少監

秋氣日騷騷
星星雙鬢毛
涼天吟自遠
清夜夢還高
林下期同去
人間共是勞
頭巾何所直
且漉甕頭糟

友人南遊不回因寄

相思春樹綠千里
亦依依
鄠杜月頻滿
瀟湘人不歸
桂花風畔落煙草
蝶雙飛
一別無消息
水南車跡稀

早春山居寄城中知己

陽和潛發蕩寒陰
便使川原景象深入戶
風泉聲瀝瀝

當軒雲岫影沉沉殘雲帶雨輕飄雪嫩柳含煙小綻金
雖有眼前詩酒興邀遊爭得稱閒心

辭白賓客歸後寄

一作太尉李德裕自城外拜
辭後歸樊居瞻望音徽即書

一絕

寄上

千騎紅旗不可攀水頭獨立暮方還家人怪我渾如病
尊酒休傾筆硯間

寄右史李定言

許渾集寄李定言律詩
第二三聯即此四句

纔歸龍尾含雞舌更立螭頭運兔毫闔闔欲開金漏盡

冕旒初坐御香高

寄絳州李使君

獨施清靜化千里管橫汾
黎庶應深感朝廷亦細聞
心期在黃老家事是功勲
物外須仙侶人間要使君
花多勻地落山近滿廳雲
戎客無因去西看白日曛

寄送盧拱秘書

一作王秘書

遊魏州

一作川

太行山下路荆棘昨來平
一自開元後今逢上

一作至今通

客行地形吞北虜人事接
東京埽灑氛埃靜遊從氣
緊

生薊門春不豔
淇水煖還清
看野風情遠
尋緣一作

花酒

病成官閒身自在
詩逸語縱橫

一作詩好
語分明

車馬迴應晚

煙光滿去程

秋晚夜坐寄院中諸曹長

腰間垂印囊
白髮未歸鄉
還往應相責
朝昏亦自傷
窮愁山影峭
獨夜漏聲長
寂寞難成寐
寒燈侵曉光

書懷寄友人

精心奉北宗
微宦在南宮
舉世勞為適
開門事不窮
年

來復幾日蟬去又鳴鴻哀疾誰人問閒情與酒通

文苑英華

有此四句他本或有或無

四鄰寒稍靜九陌夜方空知老何山是思

歸愚

一作愚歸幽

谷中

寄無可上人

十二門中寺詩僧寺獨幽多年松色別後夜磬聲秋見
世慮皆盡來生事更修終須執瓶鉢

一作屨

相逐入牛頭

寄暉上人

日出月復沒悠悠昏與明修持經幾劫清淨到今生林

下知無相人間苦是情終期逐師

一作禪

去不擬老塵纓

寄李干

尋常自怪詩無味雖被人吟不喜聞見說與君同一格
數篇到火却休焚

寄賈島浪仙

悄悄掩門扉窮窘自維繫世途已昧履生計復乖緝疎
我非常性端峭爾孤立往還縱云久貧蹇豈自習所居
率荒野寧似在京邑院落夕彌空蟲聲鴈相及衣巾半

僧施蔬藥常自拾凜凜寢席單翳翳竈煙濕頰籬里人
度敗壁鄰燈入曉思已暫舒暮愁還更集風淒林葉萎
苔糝行徑澀海嶠誓同歸橡栗充朝給

寄九華費冠卿

一作拾遺

逍遙繒繳外高鳥與潛魚闕下無朝籍林間有詔書夜
眠青玉洞

一作幽石洞

曉飯白雲蔬四海人空老九華君獨

居此心誰復識日與世情疎

寄不疑上人

是法修行遍方棲不二門隨緣嫌寺著見性覺經繁所
歎身將老始聞師一言塵沙千萬劫劫盡佛長存

寄主客劉郎中

漢朝共許賈生賢遷謫還應是宿緣仰德多時方會面
拜兄何暇更論年嵩山晴色來城裏洛水寒光出岸邊
清景早朝吟麗思題詩應費益州牋

寄周十七起居

鼔鼔九陌鼓聲齊百辟朝天馬亂嘶月照濃霜寒更遠

風吹紅燭舉還低
官清立入金鑪北
仗下歸眠玉殿西
莫笑老人多獨出
晴山荒景覓詩題

秋夜寄默然上人

霜月靜幽居
閒吟夢覺初
秋深夜迢遞
年長意蕭疎
海上歸難遂
人間事盡虛
賴師方便語
漸得識真如

寄王玄伯

夜歸曉出滿衣塵
轉覺才名帶累一作身莫覓
憶一作舊

來一作時終日醉世間
盃酒屬閒人

寄山中友人

昨秋今復春役役是非身海上無歸路城中作老人流
年何處在白日每朝新聞有長生術將求未有因

寄陝府內兄郭冏端公

蹇鈍無大計酷嗜進士名為文性不高三年住西京相
府執文柄念其心專精薄藝不退辱特列為門生事出
自非意喜常少於驚春榜四散飛數日徧八紘眼始見
花發耳得聞鳥鳴免同去年春兀兀聾與盲家寄河朔

間道路出陝城睽違逾十年一會豁素誠同游山水窮
狂飲飛大觥起坐不相離有若親弟兄中外無親疎所
算在其情久客貴優饒一醉舊疾平家遠歸思切風雨
甚亦行到茲戀仁賢淹滯一月程新詩忽見示氣逸言
縱橫纏繇意千里騷雅文發明永晝吟不休咽喉乾無
聲羈貧重金玉今日金玉輕

寄題蔡州蔣亭兼簡田使君

幾歲亂軍裏蔣亭名不銷無人知舊徑有藥長新苗樹

宿山禽靜池通野水遙何因同此醉永望思蕭條

山居一作村寄友人

獨在山阿裏朝朝遂性情

一作喜得山村處閒眠夢不驚

曉泉和雨落

秋草上堦生因客始沽酒借書方到城詩情聊自遣不

一作豈是趁聲名

寄崔之仁山人

不得之仁消息久秋來體色復何如苦將杯酒判身病
狂作文章信手書官職卑微從客笑性靈閒野向錢疎

幾時身一作家計渾無事揀取深山一處居

寄主客劉員外禹錫

蟬稀蟲唧唧露重思悠悠靜者多便夜豪家不見秋同
歸方欲就一作遂微恙幾時瘳今日滄江上何人理釣舟

山中寄友人

路岐何渺邈在容易蹉跎却是去家遠因循住日多幾
看春草綠又見塞鴻過未有進身處忍教拋薜蘿

寄友人

日暮掩重扉抽簪復解衣漏聲林下靜螢色月中微秋
露露華結夜深人語稀慙慙故山路誰與我同歸

寄李餘臥疾

窮節彌慘慄我詎自云樂伊人嬰疾恙所對唯苦藥寂
寞行稍稀清羸食自薄幽齋外浮事夢寐亦簡略雪戶
掩復明風簾卷還落方持數杯酒勉子同斟酌

寄白石師

師無名常居白石谷中因為號

白石師何在師禪白石中無情雲可比不食鳥難同屢

下蒼苔雪龕前瀑布風相尋未有計只是禮虛空

寄賈島

踈拙祇如此此身誰與同高情向酒上無事在山中漸
老病難理久貧吟益空賴君時訪宿不避北齋風

寄默然上人

晨飡夜復眠日與月相連天下誰無病人間樂是禪幾
生通佛性一室但香煙結得無為社還應有宿緣

寄不出院僧

不行門外地齋戒得清真長食施來飯深居鎖定身朝
昏常傍佛起坐省逢人非獨心常淨衣無一點塵

萬年縣中雨夜會宿寄皇甫旬

縣齋還寂寞夕雨洗蒼苔清氣燈微潤寒聲竹共來蟲

移上階近客

一作人

起到門迴想得吟詩處唯應

一作應當對

酒杯

寄舊山隱者

別君須臾間歷日兩度新念彼白日長復值人事并未

改當時居心事如野雲朝朝恣行坐百事都不聞奈何

道未盡出山最艱辛奔走衢路間四枝一作肢不屬身名

在進士場筆毫爭等倫我性本朴直詞理一作野安得文

縱然自稱心又不合衆人以此名字低不如風中塵昨

逢賣藥客云是居山鄰說君憶我心顛顛其形神昔是

同枝鳥今作一作乃萬里分萬里亦未遥一作進喧靜終難

羣

新一作所居秋夕寄李廓

羈滯多共趣屢屢同室眠稍暇更訪詣寧唯候招延媿
君備蔬藥識我性所便罷吏童僕去灑掃或自專古巷
人易息疎迴自江邊幸當中秋夕復此無雲天月華更
漏清露葉光彩鮮四鄰亦悄悄中懷益纏綿茲境罕能
致居間得彌偏數杯罷復飲共想山中年

贈盧大夫將軍

將軍身在城詎得虜塵清釀酒邀閒客吟詩直禁營蒼
鷹春不下戰馬夜空鳴碣石應無業皇州獨有名上山

嫌髀

俗髀字

重拔劔歎衣生公議今如此登壇到即行

贈供奉僧次融

會解如來意僧家獨有君開經對天子騎馬過聲聞本
寺遠於日新詩高似雲熱時吟一句涼冷勝秋分

贈王尊師

先生自說瀛洲路多在青松白石間海岸夜中常見日
仙宮深處却無山犬隨鶴去遊諸洞龍作人來問大還
今日偶聞塵外事朝簪未擲復何顏

贈常州院僧

一住毘陵寺師應祇信緣院貧人施食窗靜鳥窺禪古
磬聲難盡秋燈色更鮮仍聞開講日湖上少魚船

贈盧沙彌小師

怕見世間事削頭披佛

一作削掛緇

衣年小未受戒會解如

老師天與出家腸一食齋不飢麻履踏雪路與馬不肯

騎嫌我身腥羶似我見戎夷彼此

一作比

見會異對面成

別離我師文宣王立教垂書詩但全仁義心自然便慈

悲兩教大體同無處辨一作辯是非莫以衣服別到頭不

相知

贈張籍太祝

絕妙江南曲淒涼怨女詩古風無手敵新語是人知飛

動應

一作終

由格功夫過却奇麟臺

一作儒書

添集

一作雜

卷樂

府換歌詞李白應先拜

一作許

劉禎

一作禎

必自

一作有

疑

貧須君子救病合國家醫野客

一作老

開山借鄰僧與米

炊甘貧辭聘幣依選受官資多見愁連曉

一作晚

稀聞債

盡時聖朝文物

一作墨

盛太祝獨低眉

贈丘郎中

繞籬栽杏種黃精
曉侍鑪煙暮出城
萬事將身求總易
學君難得是長生

贈王建司馬

久向空門隱交親
亦不知文高輕古意

一作語

官冷似前

資老覺僧齋健
貧還酒債遲
仙方小字寫行坐
把相隨

贈任士曹

憲皇十一祀共得春闈書道直淹曹掾命通侍玉除浮
生年月促九陌笑言疎何計同歸去滄江有弊廬

贈劉乂

自君離海上垂釣更何人獨宿空堂雨間行九陌塵避
時曾變姓救難似嫌身何處相期宿咸陽酒市春

贈僧紹明

西方清淨路此路出何門見說師知處從來佛不言今
生多病惱自曉至黃昏唯寐方無事那堪夢亦喧

贈張質山

先生居處僻荆棘與牆齊酒好寧論價詩狂不著題燒
成度世藥踏盡上山梯懶聽閒人語一作疑道人間語爭如谷

鳥啼

贈少室山麻襦僧

祇辦麻為衲此中經幾春菴前多猛獸徑小絕行人泉
近漬一作漬瓶履山深少垢塵想師正法指喻我獨迷津

贈王山人

賢哲論猶誕吾宗次定今詩吟天地廣覺印果因深教
演歸恭敬名標中外欽既能施六度了悟達雙林

贈終南山傅山人

七十未成事終南蒼鬢翁老來詩興苦負去酒腸空蟠
螫身仍病鵬搏力未通已無燒藥本唯有著書功白馬
時何晚老君度關事也青龍歲欲終星紀躔次之義生涯枯一作苦葉下

家口亂雲中潭靜魚驚水天晴鶴唳風悲君還姓傅獨
不夢高宗

使兩浙贈羅隱

平日時風好涕流
讒書雖盛一名休
寰區歎屈瞻天問
夷貊聞詩過海求
向夕便思青瑣拜
近年尋伴赤松遊
何當世祖從人望
早以公台命卓侯

御定全唐詩卷四百九十七

欽定四庫全書薈要卷一萬七千九百三

集部

御定全唐詩卷四百九十八

姚合

閒居遣懷十首

身外無徭役
開門百事閒
倚松聽唳鶴
策杖望秋山
萍任連池綠
苔從匝地斑
料無車馬客
何必掃柴關
閒臥銷長日
親朋笑我疎
詩篇隨分有
人事度年無
情性僻難改
愁懷酒為除
誰能思此計
空備滿牀書

白日逍遙過看山復遶池展書尋古事翻卷改新詩
酒風前酌留僧竹裏碁同人笑相問羨我足閒時

好景時牽目茅齋興有餘遠山經雨後庭樹得秋初
道侶憐栽藥高人笑養魚優游隨本性甘被棄慵疎

永日廚煙絕何曾暫廢吟閒時隨思緝小酒恣情斟
看月嫌松密垂綸愛水深世間多少事無事可關心

一生能幾日愁恨也無端遇酒醅酌飲逢花爛漫看
青雲非失路白髮未相干以此多攜解將心但自寬

萬事徒紛擾難關枕上身朗吟銷白日沈醉度青春演

步憐山近閒眠厭

一作畏

客頻市朝曾不到長免滿衣塵

野性多疎惰幽棲更稱情獨行看影笑閒坐弄琴聲嬾

拜腰肢硬慵趨禮樂生業

一作詩

文隨日遣不是為求名

生計甘寥落高名愧自由慣無身外事不信世間愁好

酒盈杯酌閒詩任筆酬涼風從入戶雲水更宜秋

拙直難和洽從人笑掩關不能行戶外寧解走塵間被

酒長酣思無愁可上顏何言歸去事著處是青山

武功縣中作三十首

一作武功
縣間居

縣去帝

一作京

城遠為官與隱齊
馬隨山鹿放雞雜
野禽

棲遶舍惟藤架
侵堦是藥畦
更師嵇叔夜
不擬作書一作

詩題

方拙天然性為官是

一作世

事疎惟尋向山路

一作道

不寄

入城書因病多

一作方

收藥緣飡

一作溪

學釣魚養身成好

事此外更

一作盡

空虛

微官如馬足
祇是在泥塵
到處負隨我
終年老趁人
簿

書銷眼力，杯酒耗心神。早作歸休計，深居養一作過此身。

簿書多不會，薄俸亦難銷。醉臥慵開眼，閒行嬾繫腰。移

花兼蝶至，買石得雲饒。且自心中樂，從他笑寂寥。

曉鐘驚睡覺事一作世一作是，事便相關小市柴。薪貴貧家砧

杵閒讀書多，旋忘賒酒數。空還長羨劉伶輩，高眠出世

間。

性疎常愛臥，親故笑悠悠。縱出多攜枕，因衙始裹頭。上
山方覺老，過寺暫忘愁。三考千餘日，低腰不擬休。

客至皆相笑詩書滿臥牀愛閒求病假因醉酒一作棄官

方鬢髮寒唯短衣衫瘦漸長自嫌多檢束不似舊來狂

一日看除目終年損道心山宜衝雪上詩好帶風吟野

客嫌知印家人笑買琴只應隨分過已一作是錯彌深

鄰里皆相愛門開數見過秋涼送客遠夜靜詠詩多就

架題書目尋欄記藥窠到官無別事種得滿庭莎

窮達天應與人間事莫論微官長似客遠縣豈勝村竟

日多無食連宵不閉門齋心調筆硯唯寫五千言

縣僻仍牢

一作寥

落遊人到便迴路當邊地去村入郭門

來酒戶愁偏長詩情病不開可曾衙小吏恐謂

一作為

踏

青苔

自下青山路三年著綠衣官卑食肉僭才短事

一作字

人

非野客教長醉高僧勸早

一作却

歸不知何計是免與本

心違

日出方能起庭前看種莎吏來山鳥散酒熟野人過歧

路荒城少煙霞遠岫多同官數

一作更

相引下馬上西陂

作吏荒城裏窮愁欲不勝病多唯識藥年老漸親僧夢
覺空堂月詩成滿硯冰故人多得路寂寞不相稱

誰念東山客樓樓守印牀何年得事盡終日逐人忙醉

臥誰一作惟

知叫閒書不著

一作正

行人間長

一作尚

檢束與

此豈相當

朝朝着不展多病怕逢迎引水遠通澗壘山高過城秋
燈照樹色寒雨落池聲好是吟詩夜披衣坐到明
簿籍誰能問風寒趁早眠每旬常乞假隔月探支

一作請官

錢還往嫌詩僻親情怪酒顛謀身須上計終久是歸田
閉門風雨裏落葉與堦齊野客嫌枯小山翁喜枕低聽
琴知道性尋藥得詩題誰更能騎馬閒行祇杖藜

腥羶都不食稍稍覺神清夜犬因風吠鄰雞帶雨鳴守

官常臥病學道別稱名小一作少有洞中路誰能引我行

官名渾不計酒熟且開封晴月銷燈一作雲色寒天挫筆

鋒驚禽時並起閒客數一作夜相逢舊國蕭條思青山隔

幾重

假日多無事誰知我獨忙移山入縣宅種竹上城牆
驚蝶遺花藥遊蜂帶蜜香唯愁明早出端坐吏人旁

門外青山路因循自不歸養生

一作開

宜縣僻說品喜官

微淨愛山僧飯閒披野客衣誰憐幽谷鳥不解入城飛
一官無限日愁悶欲何如掃舍驚巢燕尋方落壁魚從
僧乞淨水憑客報閒書白髮誰能鑷年來四十餘

朝朝門不閉長似在山時賓客抽書讀兒童斫竹騎久
貧還易老多病嬾能醫道友應相怪休官日已遲

戚戚常無思，循資格上官。閒人得事晚，常骨覓一作學仙。

難醉臥疑身，病貧居覺道。寬新詩久不寫，自算少人看。

漫作容身計，今知拙有餘。青衫一作袍迎驛使，白髮憶山

居。道友憐一作喜，蔬食吏人嫌。草書須為長，久事歸去自

耕鋤。

主印三年坐山居，百事休焚香。開敕庫踏月上，城樓飲酒多成病。吟詩易長愁，慙懃問漁者。暫借手中鉤。

長憶青山下，深居遂性情。壘堦溪石淨，燒竹竈煙輕。點

筆圖雲勢彈琴學鳥聲今朝知縣印夢裏百憂生

自知狂僻性吏事固相疎祇是看山立無嫌一作因出縣

居印朱霞墨硯戶籍雜經書月俸尋常請無妨一作嫌乏

斗儲

作吏無能事一作渾無思為文舊致一作著功詩標八病外心

落百憂中拜別登朝客歸依鍊藥翁不知還往內誰與此心同

罷武功縣將入城

乍拋衫笏覺身輕，依舊還稱學道名。
欲泥山僧分屋住，羞從野老借牛耕。
妻兒盡怕為逋客，親故相邀遣到城。
無奈同官珍重意，幾迴臨路却休行。

青衫脫下便狂歌，種薤

一作李

栽莎

一作桃

斲古坡野客相

逢添酒病春山暫，上著詩魔亦知官。
罷貧還甚且喜閒，來睡得多欲與九衢親。
故別明朝拄杖始經過。

秋日閒居二首

九陌宅重重，何門憐此翁。
荒庭唯菊茂，幽徑與山通。
落

葉帶衣上閒雲來酒中此心誰得見林下鹿應同

先憶花時節家山聽更

一作及早

歸愛詩看古集憶酒典寒

衣睡少身還健愁多食不肥自憐疎嬾性無事出門稀

閒居晚夏

閒居無事擾舊病亦多痊選字詩中老看山屋外眠片

霞侵落日繁葉

一作柳

啞鳴蟬對此心還樂誰知乏酒錢

閒居

不自識疎鄙終年住在城過門無馬跡滿宅是蟬聲帶

病吟雖苦休官夢已清何當學禪觀依止古先生

街西居三首

受得山野性住城多事違青山在宅南迴首東西稀淺
淺一井泉數家同汲之獨我惡水濁鑿井庭之陸自鑿
還自飲亦為衆所非吁嗟世間事潔身誠難為

日出窮巷喜溫然勝重衣重衣豈不煖所煖人不齊兀
兀復行行不離階與墀

丈夫非馬蹄安得知路岐窮賤飧茹薄興與養性宜乃

知長生術豪貴難得之

閒居遣興

終年城裏住門戶似山林客怪身名晚妻嫌酒病深寫
方多識藥失譜廢彈琴文字非經濟空虛用破心

莊居即事

休看小字大書名向日持經眼却明時過無心求富貴
身閒不夢見公卿因尋岳寺葦辛斷自到王城禮數生
斜月照牀新睡覺西風半夜鶴來聲

親仁里居

三年賃舍親仁里寂寞何曾似在城
飲酒自緣防冷病尋人多是為閒行
軒車無路通門巷親友因詩道姓名
自別青山歸未得羨君長聽石泉聲

莊居野行

客行野田間比屋皆閉戶借問屋中人
盡去作商賈官家不稅商稅農服作苦
居人盡東西道路侵墮畝採玉上山顛
探珠入水府邊兵索衣食此物同泥土
古來一

人耕三人食猶飢如今千萬家無一把鋤犁我倉常空
虛我田生蒺藜上天不雨粟何由活烝黎

春日閒居

居止日蕭條庭前唯藥苗身閒眠自久眼老

音咤事異也一作暗

視還遙簷燕酬鶯語鄰花雜絮飄客來無酒飲搔首擲
空瓢

獨居

深閉柴門長不出功夫自課少閒時翻音免問他人字

覆局何勞對手碁生計如雲無定所窮愁似影每相隨
到頭歸向青山是塵路茫茫欲告誰

早春閒居

寂寞日何為閒

一作貧

居春色遲驚風起庭雪寒雨長簷

漸強飲樽中酒

一作區中事

朝山世外詩此生仍且在難與

老相離

原上新居

一作王建詩

秋來梨果熟行哭小兒飢鄰富雞長往莊貧客漸稀借

牛耕地晚賣樹納錢遲牆下當官道依前夾竹籬

將歸山

野人慣去山中住自到城來悶不勝宮樹蟬聲多却樂
侯門月色少於燈飢來唯擬重餐藥歸去還應只別僧
聞道舊溪茆屋畔春風新上數枝藤

山中述懷

為客久未歸寒山獨掩扉曉來山鳥散雨過杏花稀天
遠雲空積溪深水自微此情對春色盡醉欲忘機

偶然書懷

十年通籍入金門，自媿名微枉搢紳。
鍊得丹砂疑不食，

從茲白髮日一作自相親。
家山迢遞歸無路，
梧酒稀疎病

到一作在身。
漢有馮唐唐有我，
老為郎吏更何人。

客舍有懷

旅人無事喜終日一作夜，
思悠悠逢酒嫌。
梧淺尋書怕字

稠，貧來許錢聖夢覺。
見身愁寂寞中林下，
飢鷹望到秋

及第後夜中書事

夜睡常驚起春光屬野夫新銜添一字舊友遜前途喜
過還疑夢狂來不似儒愛花持燭看憶酒犯街沽天上
名應定人間盛更無報恩丞相閣何啻殺微軀

偶題

年年九陌看春還舊隱空勞夢寐間遲日逍遙芸草長

聖朝清淨諫臣

一作書

閒偶逢遊客同傾酒自有前驕恥

見山道侶書來相責諂朝朝欲報作

一作又

何顏

感時

憶昔未出身索寞無精神逢人話天命自賤如埃塵君
今纔出身颯爽鞍馬春逢人話天命自重如千鈞信涉
名利道舉動皆喪真君今自世情何況天下人

憶山

閒處無人到乖疎稱野情日高搔首起林下散衣行泉
引窗前過雲看石罅生別來愁欲老虛負出山名

客遊旅懷

客行無定止一作處終日一作多在路歧間馬為賒來貴僮緣

一作

借得頑詩書愁觸雨店舍喜逢山舊業嵩陽下三

年未

一作不

得還

迎春

半年畱醉待花開曉去迎春夜始迴風暖慢行尋曲水
天晴遠望立高臺亦知無處將詩請唯得終朝把酒催
今日柳條全弄色遊人相伴看春來

遊春十二首

正月一日後尋春更不眠自知還近僻衆說過於

一作如

顛看水寧依路登山欲到天悠悠芳思起多是晚風前
官卑長少事縣僻又無城未曉衝寒起迎春忍病行樹
枝風掉軟菜甲土浮輕好箇一作最好林間鵲今朝足喜聲
詩酒相牽引朝朝思不窮苔痕雪水裏春色竹煙中迎
雨緣池草摧一作催花倚樹風書一作盡非名利事愛此少
人同

塵中主印吏誰遣有高情趁煖簷前坐尋芳樹底行土

融凝野一作野色冰敗滿池聲漸覺春相泥朝來睡不輕

疎頑無異事隨例但添年舊歷藏深篋新衣薄絮綿暖
風渾酒色晴日暢琴弦同伴無辭困遊春貴在先

看春長不足豈更覺身勞寺裏花枝淨山中水色

一作氣

高嫩

一作嬾

雲輕似絮新草細如毛併起詩人思還應費

筆毫

悠悠小縣吏顛顛入新年遠思遭詩惱閔情被酒牽戀
花林下飲愛草野中眠疎嬾今成性誰人肯更憐

處處春光遍遊人亦不稀向陽傾冷酒看影試

一作著

新

衣嫩樹行移長幽禽語旋飛同來皆去盡衝夜獨吟

一作行

歸

朝朝看春色春色似相憐酒醒鶯啼裏詩成蝶舞前
摘花盈手露折竹滿庭煙親故多相笑踈狂似少年

卑官還不惡行止得逍遙晴野花侵路春陂水上橋塵
埃生暖色藥草長新苗看却煙光散狂風處處飄

身被春光引經時更不歸嚼花香滿口書

一作畫

竹粉粘

衣弄日鶯狂語迎風蝶倒飛自知踈嬾性得事亦應稀

曉脫青衫出閒行氣味長一瓶春酒色數頃野花香朝
客聞應羨山僧見亦一作似狂不將僮僕去恐為損風光

賞春

閒人祇是愛春光迎得春來喜欲狂買酒怕遲教走馬
看花嫌遠自移牀嬌鶯語足方離樹戲蝶飛高始過牆
顛倒醉眠三數日人間百事不思量

春日即事

春來眠不得誰復念生涯夜聽四鄰樂朝尋九陌花輕

煙浮草色微雨濯年華
乞假非關病朝衣在酒家

春日江次

野步出茆齋閒行坐石臺
久悲鄉路遠猶喜杏花開
鷗鷺皆飛去帆檣何處來
因凝千里日落日尚徘徊

揚州春詞三首

廣陵寒食天無霧復無煙
煖日凝花柳春風散管弦
園林多是宅車馬少於船
莫喚遊人住遊人困不眠

滿郭是春光街衢土亦香
竹風輕履烏花露膩衣裳
谷

鳥鳴還豔山夫到更狂可憐遊賞地煬帝國傾亡
江北煙光裏淮南勝事多市廛持燭入鄰里漾船過有
地惟栽竹無家不養鵝春風蕩城郭滿耳是笙歌

寒食

一本有書
事二字

二首

一作張
籍詩

今朝一百五出戶雨初晴舞愛雙飛蝶歌聞百轉鶯江
深青草岸花滿白雲城為政多孱懦應無酷吏名

出城煙火少况復是今朝閒坐將誰語臨觴只自謠堦
前春蘚徧衣上落花飄伎樂州人戲使君心寂寥

暮春書事

窮巷少芳菲，蒼苔一徑微。
酒醒聞客別，年長送春歸。
宿願眠雲嶠，浮名繫鎖闈。
未因丞相庇，難得脫一作解朝衣。

春晚雨中

寂寂春將老，閒人強自歡。
迎風鶯語澀，帶雨蝶飛難。
傍砌木初長，眠花景漸闌。
臨軒平目望，情思若為寬。

送春

昨迎一作吟今復送，來晚去逡巡。
芳盡空繁樹，愁多獨病

身靜思傾酒，嬾閒望上樓。
頻為向春風，道明年早報春。

別春

留春不得被春欺，春若無情遣泥誰。
寂寞自疑生冷病，淒涼還似別親知。
隨風未辨歸何處，澆酒唯求住少時。
一去近當三百日，從朝至夜是相思。

夏夜

閒齋深夜靜，獨坐又閒行。
密樹月籠影，疎籬水隔聲。
斷猿時叫谷，棲鳥每搖檉。
寂寞求名士，誰知此夕情。

秋日有懷

秋來不復眠但覺思悠然菊色欲經露蟲聲漸替蟬詩
情生酒裏心事在山邊舊里無因到西風又一年

秋夕遣懷

昨宵白露下秋氣滿山城風勁衣巾脆窗虛筆墨輕臨

書愛真

一作奇

跡避酒怕狂名祇

一作不

擬隨麋鹿悠悠

一作

山過一生

一本題作秋日山中前四句作秋來長早起
拄杖繞階行風冷衣裳脆天寒筆硯清餘同

秋中夜坐

疎散永無事不眠常夜分月中松露滴風引鶴同聞

同衛尉崔少卿九月六日飲

酒熟菊還芳花飄盞亦香與君先一醉舉世待重陽風
色初晴利蟲聲向晚長此時如不飲心事亦應傷

九日憶硯

一作峴

山舊居

帝里閒人少誰同把酒梧硯山籬下菊今日幾枝開曉
角驚眠起秋風引病來長年歸思切更值鴈聲催

秋晚江次

蕭蕭晚景寒獨立望江孺沙渚幾行鴈風灣一隻船落
霞澄返照孤嶼隔微煙極目思無盡鄉心到眼前

除夜二首

衰殘歸未遂寂寞此宵情舊國當千里新年隔數更寒
猶近北峭風漸向東生誰見一作想長安陌晨鐘度火城

慙懃惜此夜此夜在逡巡燭盡年還別雞鳴老更新儻
聲方去疫酒色已迎春明日持杯處誰為最後人

晦日送窮三首

年年到此日瀝酒拜街中萬戶千門看無人不送窮
送窮窮不去相泥欲何為今日官家宅淹留又幾時
古人皆恨別此別恨消魂只是空相送年年不出門

詠雲

靄靄紛紛不可窮夏笙歌處盡隨龍來依銀漢一千里
歸傍巫山十二峰呈瑞每聞開麗色避風仍見挂喬松
憐君翠染雙蟬鬢鏡裏朝朝近玉容

詠雪

愁雲殘臘下陽臺
混却乾坤六出開
與月交光呈瑞色
共花爭豔傍寒梅
飛隨郢客歌聲遠
散逐宮娥舞袖迴
其那知音不相見
剡溪乘興為君來

郡中對雪

霏微著草樹漸布
與階平遠近如空
色飄颺無落聲飛
鴉疑翅重去馬覺
蹄輕遙想故山下
樵夫應滯行

對月

銀輪玉兔向東流
瑩淨三更正好遊
一片黑雲何處起

早羅籠却水精球

八月十五夜看月

亭亭千萬里三五復秋中
此夕光應絕常時思不同
九霄微有露四海靜無風
惆悵逡巡別誰能看碧空

賦

一本無賦字

月華臨靜夜

長空埃壒滅皎皎月華臨
色正秋將半光鮮夜自深
九霄晴更徹四野氣難侵
靜照遙山出孤明列宿沈
高人應不寐驚鵲復何心
漏盡東方曉佳期何處尋

酬任疇協律夏中苦雨見寄

銀漢波瀾溢經旬雨未休
細聽宜隔牖遠望憶高樓
風急飄還斷雲低落更稠
走童驚掣電飢鳥啄浮漚
絲網

張空際蛛

一作珠

繩續瓦溝青蛙多入戶
潢潦欲勝舟雷

怒疑山破池渾似土流灰
人漫襍厭水馬恣沈浮
廣陌應翻浪貧居恐作湫
陽精藏不耀陰氣盛難收
遠色重

林暮繁聲四壁秋

一本無此四句

望晴思見日防冷欲

一作擬

披

裘枕潤眠還嬾車羸出轉憂
散空煙漠漠迸溜竹修修

一本無
此二句
樹暗蟬吟咽巢傾燕語愁
琴書涼簟淨燈燭夜

窗幽天下

一作上

那能向

一作問

龍邊豈易

一作本不

求濕煙凝

竈額荒草覆牆頭酒思淒方罷詩情耿始抽

一作遠思成涯淡佳

期念阻修

下牀先仗

一作杖

屐汲井恐飄

一作抵

甌危坐徒相憶

佳期未有由勞君寄新什終日不能

一作清韻益難

酬

和座主相公雨中作

清氣潤華屋東風吹雨勻花低驚艷重竹淨覺聲真
山際凝如霧雲中散似塵蕭蕭下碧落點點救生民
緩灑

雷霆細微霑瓦礫
新詩成難繼和造化
筆通神

惡神行雨

凶一作面

神扇簸惡神行
汹涌挨排白霧生
風擊水凹波撲

凸雨滌山口地嵌坑
龍噴黑氣翻騰滾
鬼掣紅光劈劃

損音征引也

哮吼忽雷聲
揭石滿天啾唧鬧
轟轟

苦雨


江昏山半晴南阻絕
人行葭莢連雲色
松杉共雨聲
早秋仍燕舞
深夜更鼉鳴
為報迷津客
訛言未可輕

御定全唐詩卷四百九十八

謹案卷四百九十六第一頁前六行出荆杭州刺
史按出字下疑有脫訛

第三頁後五行瀑水落厨中按別本厨中作池中
卷四百九十八第二頁後三行遶舍惟藤架按別
本遶作連





總校官庶吉士

臣張能照

校對官助教

臣金學詩

膳錄監生

臣毛杞

膳錄監生

臣郁文